



UKA2018/203

9. oktober 2018

Aqqaluk Heilmann

Uunga siunnersuut: Ilinniartitaanernut Inuussutissarsiutinullu siunnersuisarneq pillugu Inatsisartut inatsisaannik allannguineq pillugu Inatsisartut inatsisissaattut siunnersuut nr. xx, xx. xxx 2018-imeersoq. (Ilinniagaqartunik tarnikkut isumaginninnikkullu siunnersuisarneq pillugu ilassut, ilitsersuisarnerup ilaatut, aamma Siunnersuisarnermut Siunnersuisoqatigiit katitsigaanerat pillugu allannguut, aamma kalaallisuuani iluarsiiisutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

(Ilinniartitaanermit, Kultureqarnermit, Ilisimatusarnermit Ilageeqarnermit Nunanut Allanullu Naalakkersuisoq)

Nunatsinni ilinniartitaaneq qaffassarniarlugu tamavitta oqariartuuteqartuarpugut uteqattaariarlutalu ukiorpassuarni. Eqqartortuarpugut ilinniarnermik unitsitsiinnartarneq apparsarniarlutigu, ilinniartortagullu tamatigut tapersersorusullugit.

Ilinniartortatta ilinniarnermi ilinniarnernup imarisaatigut ingerlariaqqinnissamullu tunngasunik siunnersorneqartarput. Ilinniartullu naammassilluarnissaminnut ilaatigut inuunermi atukkaminut tunngasunik, misigissutsinullu tunngavilinnik aamma siunnersuisartut ulluinnarni suliasarisaattut inissisimapput.

Inatsisitigut tarnikkut isumaginninnikkullu siunnersuisartut suliarisarsimasai inatsimmi allaqqasimangikkaluartut massakkut allannguutissami ilanngunneqarsimaneri Atassummiit taperserparput. Tassami siunnersuisartut piviusumik suliai naapertorlugit ilinniartullu pisariaqartitai naapertorlugit inatsit iluseqalissamat.

Una inatsimmut allannguutissatut siunnersuut timitaleeqataanermik imaqarpoq. Kinaluunniit ilinniartoq suugaluartumilluunniit peqquteqarluni ilinniakkaminik artorsarpat ilinniakkap imarisaanik tunngassuteqarpat, inuttut atukkanut tunngassuteqarpat, tarnikkut isumaginninnikkullu siunnersuisinnaaneq inatsisitigut qulakkeertariaqarparput ersarissarlugulu. Pingaartumillu



suinnersuinikkut suliaqartunut inatsimmik tulluarnerusumik toqqammaveqalernissaat
aallaavigisariaqaratsigu.

Siunnersuut Atassummit ilinniartitaanermut ataatsimiititaliamut inerlateqqinneqarnissaa
innersuussutingaarput.